



# ՀԱՄԱՐԱԻՐԵՐ

ՀԱՍՍԱՐԱԿԱԿԱՆ, ԳՐԱԿԱՆ ԵՒ ՔԱՂԱՔԱԿԱՆ ՇԱՐԱԹԱԹԵՐԹ

ԿՈՎԱՍՍԻ ՀԱՅՈՑ ԲԱՐԵԳՈՐԾԱԿԱՆ ԸՆԿԵՐՈՒԹԵԱՆ

10 կոպեկ

Հայ և անհայտ կիրակի օրեր

10 կոպեկ

ՐԱԺԱՆՈՐԴԱԳԻՆԸ՝ շաբաթ 4 ասորի, կես շաբաթ 3 ասորի.  
Արասանման՝ շաբաթ 5 ա., կես շաբաթ 3 ա.

ԽՄԲԱԳՐՈՒԹԻՒՆԸ՝ Քիֆի, Արասագիտան հրատար. № 7.  
Հեռախոս № 29.

Գոտի հասցեն.—Тифлис, „Амбавабери“. Tiflis, Rédaction du journal  
«Hambavaberi».

ՅԱՅՏԱՐԱՐՈՒԹԻՒՆՆԵՐ՝ օտիժ 10 կոպեկ.

Խմբագրութիւնը բաց է առաւօտեան ժամի 10—5, բացի կիրակի և ան օրերից  
Տպագրութիւնը ուղարկուած ձեռագրերը կարող են ենթարկուել փոփոխման և  
կրճատման:

Տպագրութեան համար անյարմար ճանաչուած մեծ յօդուածները պահուած են  
վեց ամիս խմբագրատանը, իսկ փոքրերն անմիջապէս ոչնչացուում:

Տպագրութեան համար անյարմար թղթակցութեանց և յօդուածների աւթիւ  
խմբագրութիւնն պարտաւոր չի համարում զբաւար բացատրութիւններ տալ:

## ԲՈՎԱՆԴԱԿՈՒԹԻՒՆ

Խմբագրութեան կողմից.— ԽՄԲԱԳՐԱԿԱՆ.—Արդարութեան ձայ-  
նը կը քողոքէ, Ս. Յարութիւնեանի.— ՀԱՄԱՇԽԱՐՀԱՅՏԻՆ ՊԱ-  
ՏԵՐԱԶՄԸ.— ՆԵՐՔԻՆ ՏԵՍՈՒԹԻՒՆ.—Հայկազեան Ընկերութեան  
տոթիւ, Սկայի.—Վրաց ազգային դեմոկրատիկ կուսակցութեան  
քաղաքական և ազգային ծրագիրը.— ԳԱԽԱՌ.—Սեփար.— ՏԱ-

ՐԵԳԻՐ Կ. Հ. Բ. ԸՆԿԵՐՈՒԹԵԱՆ (Կ. Հ. Բ. Ընկ., Հ. Կ. Կոմիտէ).  
ՔՐՈՆԻԿՈՆ.—ԱՐՏԱՔԻՆ ՏԵՍՈՒԹԻՒՆ.—Կրթապատկերներ պատե-  
րազմի մասին, Գ. Ենգիւրաբեանի.— ՏԱՃԿԱՀԱՅՏԵՐ.—Christian  
Science Monitor-ը տաճկահայոց մասին.— ԳԻՏԱԿԱՆ.—Գաղամար-  
տը, բժ. Ա. Տէր-Յովհաննիսեանի.— ՆԱՄԱԿ ԽՄԲԱԳՐՈՒԹԵԱՆ.  
— ՅԱՅՏԱՐԱՐՈՒԹԻՒՆՆԵՐ:

«ՀԱՄԱՐԱԻՐԵՐ»-ի այն քաժանորդները, որ մինչեւ հիմա  
չեն վճարել թերթի 1917 թուի քաժանորդագինը,  
խնդրում ենք մինչեւ յունիսի 1-ն անյա-  
պաղ ուղարկել:

## ԱՐԴԱՐՈՒԹԵԱՆ ՁԱՅՆԸ ԿԸ ԲՈՂՈՔԷ

Համառուսական մեծ յեղափոխութեան առաջին օ-  
րերից սկսած Ռուսաստանի թէ ժամանակաւոր կառավա-  
րութիւնը իւր դիմումներէ մէջ ժողովուրդին և թէ ծայ-  
րայեղ քաղաքական կուսակցութիւնները միաբերան, բա-  
ցարձակ և յամառ կերպով պնդում են, որ անհրաժեշտ է  
վերջ տալ արիւնահեղ պատերազմին, վերջ տալ մարդ-  
կային անողորմ ջարդերին. հարկաւոր է խաղաղութեան  
դաշն կապել:

Գերմանիան ևս համակիր է այս մտքին:

Շուտափոյթ խաղաղութեան կնքմանը ձայնակցում  
են և արտասահմանեան սոցիալ-դեմոկրատական կուսակ-  
ցութիւնները:

Մօտ ապագայում Ստոկհոլմ քաղաքում կայանալու է  
այդ նպատակով համարեա բոլոր տէրութիւնների յեղա-

փոխական կուսակցութիւնների ներկայացուցիչների հա-  
մագումարը, որտեղ քննութեան է առնուելու խաղաղու-  
թեան խնդիրը և որոշուելու են պայմանները:

Խաղաղութեան գաղափարը սկզբունքով անպայման  
համակրելի է և ընդունելի:

Պէտք է ողջունել նախաձեռնողներին:

Չի գտնուի ոչ ոք, որ սիրահար լինէր արիւնարբու-  
թեան, որ ցանկանար ստեղծել մարդկային արեան նոր  
ծովեր:

Յոգնել և ձանձրացել են պատերազմից ժողովուրդ-  
ներ. յոգնել են զօրքերը խրամատների երկարատե և ծանր  
ու տաժանների պայմաններից. սպառուեցին նիւթական  
միջոցները, քայքայուել է պարենաւորման գործը թէ պա-  
տերազմի ճակատում և թէ երկրների ներսում:

Այս դրութիւնը բացառիկ չէ, այլ ընդհանուր բոլոր  
կուսակցների կողմից:

Ամենքի ջերմ ցանկութիւնն է պատերազմի դաշտից  
վերադառնալ խաղաղ կեանքի ու դիմել կուլտուրական և  
ստեղծագործական աշխատանքի:

Պատերազմը մեծ չարիք է, դուցէ երբեմն անխու-  
սափելի:



Իսկ մարդկային իդէալն է խաղաղութիւնն ու ստեղծագործութիւնն:

Պատերազմը ժամանակաւոր և ստիպողական շեղումն է բնական կեանքի շաւղից, հետևապէս որքան շուտ կրուող ժողովուրդները ազատուեն այդ չարիքից, որքան շուտ վերադառնան կեանքի իսկական ուղին, այնքան էլ մեծ բարիք կը լինի կատարուած երկու կողմերի համար:

Պատերազմի ամեն մէկ օրը խլում է հրեմքն հազարաւոր գեղեցիկ կեանքեր և առաջ է բերում տնտեսական հսկայական քայքայումն:

Միմիայն Ռուսաստանի ամենօրեայ պատերազմական ծախսերի գումարը հասնում է 50,000,000 ռ., իսկ այդ ծախսերը անկասկած ծանրանում են ժողովուրդի վրայ և երկար տարիներ ժողովուրդը տնքայու է մինչև, որ կառավարութիւնը կարողանայ հարկային և այլ զանազան միջոցներով ծածկել այդ տասնեակ միլիարդների հասնող ծախսերը:

Պատերազմին վերջ տալը, խաղաղութիւն կնքելը— բոլորի համար արդէն դարձել է բնական և շատ զգալի կարիք:

Այդ մասին խօսում են զօրքերի շրջաններում, ժողովուրդների բոլոր խաւերում. այդ խնդրով լուրջ կերպով զբաղուած են կառավարութիւնները. այդ միտքը ուժգին կերպով արծարծում է Ռուսաստանի և արտասահմանի մամուլը:

Այս բոլորը ցոյց է տալիս և համոզում, որ իսկապէս հասել է խաղաղութեան ժամը:

Սակայն որքան էլ հասունացած լինի պատերազմին վերջ տալու միտքը, այնուամենայնիւ կան հանգամանքներ, որ կարող են և պէտք է ստիպեն շարունակել պատերազմը, թէև պատերազմի շարունակելը լինի չափազանց ծանր կռուող կողմերի համար:

Այդ հանգամանքները հետևեալն են՝

Առաջին՝ որ հաշտութիւնը պատուատու լինի եւ ոչ թէ ստորացուցիչ, եւ

Երկրորդ՝ որ այս պատերազմի սկզբնական զաղափաղը՝ ազատութիւնն փորր եւ մշտնաւ ազգերն ու տէրութիւններին—անսկայման իրագործուի:

Հակառակ դէպքում հրդեհը չի մարում:

Այս տեսակէտից մեր կառավարութեան և ծայրայեղ կուսակցութիւնների յայտարարութիւնները առայժմ ներշնչում են մեզ, հայերիս, յուսահատութիւն: Նոյն յուսահատութիւնը ներշնչում է և Գերմանիայի կանցլերի վերջին յայտարարութիւնը:

Մեր ժամանակաւոր կառավարութիւնը և յեղափոխական կուսակցութիւնները լողունգ են ընդունել՝ վերջացնել պատերազմը առանց անէկսիայի (հողային նուաճումի) եւ կոնտրիբուցիայի (դրամական տուգանքի հակառակորդից):

Այս լողունգից կարելի է ենթադրել, որ Ռուսաստանը պատրաստ է վերադարձնել Տաճկաստանին հին Հա-

յաստանի նուաճած նահանգները առանց որոշ զրական պահանջների և ապահովութեան հայ ժողովուրդի համար: Իսկ Գերմանիայի կանցլերը, ինչպէս հաղորդեցին լրագրերը, բացարձակ յայտարարել է, որ Հայաստանը պէտք է վերադարձուի Տաճկաստանին:

Եթէ իսկապէս մտադրութիւն կայ պատուով վերջացնել պատերազմը, այն ժամանակ ամբողջ հայ ազգը կը ցնցի:

Միթէ կարելի է ենթադրել, որ Ռուսաստանի ազատութեան օրերին իրագործուի ցարիզմի հլու-հպատակ և չարագործ նախարար Լորանով Բոստովսկու յանդուգն քաղաքականութիւնը՝ «Հայաստանն առանց հայերի»:

Միթէ խեղճ հայ ազգի դարաւոր հաւատն ու յոյսը դէպի Ռուսաստան պէտք է վերջանայ նրանով, որ իբր կատարուել է պատմական սխալմունք հայ ազգի կողմից:

Միթէ հայ ժողովուրդը արիւնաբամ եղաւ, հարկը հազարաւոր զոհեր տուեց Ռուսաստանի աջակցութեան համար, որպէս զի այդ ժողովուրդը խաղաղութիւնը կրնրելիս մոռացուի ու մնայ գուրկ իւր հայրենիքից, և թափառի թշուառութեան մէջ օտար երկրներում:

Մենք զժողարանում ենք հաւատալ, որ խնդիրը այդ ելքը ստանայ և տեղի ունենայ մի այսպիսի սոսկալի իրողութիւն:

Հայաստանի արիւնոտ քարերն անգամ կը բողբոքեն այդ տեսակ և անսպասելի դրութեան դէմ:

Մենք դեռ չենք կորցնում մեր յոյսը, որ Ռուսաստանի նոր կառավարութիւնը և այժմ Ռուսաստանի բաղաքական կեանքը ղեկավարող յեղափոխական կազմակերպութիւնները կը համարեն իրենց որբազան պարտականութիւնը՝ զնել հաշտութեան սեղանի վրայ և Տաճկահայաստանի խնդիրը նրա քաղաքական վիճակի մասին:

Հայաստանը իւր հայ ժողովուրդի հետ վերջնականապէս պէտք է ազատուի տաճիկական լծի տակից եւ լստանայ ինքնավար քաղաքական կեանք:

Այդ է պահանջում չպատուի և պարտականութեան զգացմունքը. այդ է պահանջում և քաղաքական իմաստութիւնը հենց Ռուսաստանի շահերի տեսակէտից Արեւելքում:

Ազատ Ռուսաստանը մի կողմից հնարաւորութիւն կը տայ հայ ժողովուրդին արգատուել կործանումից, ապրել, զարգանալ ու տարածել Ասիայում եւրոպական կուլտուրա, քաղաքակրթութիւն, իսկ միւս կողմից՝ նա կը լինի մի պատնէշ Ռուսաստանի համար արեւելեան պետութիւնների արշաւանքների դէպքում:

Այս է թելադրում մարդկային խիղճը, քաղաքական իմաստութիւնը և պետական շահերի ըմբռնումը:

Ս. ՅԱՐՈՒԹԻՒՆՅԱՆ



## Համաշխարհային պատերազմը

Ռուսաց արեւմտեան ճակատ.— Վերջին շաբաթուայ ընթացքում տեղի են ունեցել առաջապահ զորամասերի ընդհարումներ միայն:

Կովկասեան ճակատ.— Թիւրքերի մի զորագունդ, Արտոսիից արեւմուտք, փորձեց ռուսաց խրամատների վրայ յարձակուել, բայց յետ մղուեց. նոյնպէս Բանայից հարաւ Թիւրք հեծելազորքի մի խումբ ուղիչ մօտենալ Բանայից 14 վերսա հարաւ զոնուող բարձունքներից մէկին, բայց յետ չարտուեց:

Փրանս-անգլիական ճակատ.— Մանսիից հիւսիս գերմանացիները նախապատրաստական կրակից յետոյ՝ յարձակուեցին և տեղի ունեցաւ մեծ ճակատամարտ. գերմանացիք խոշոր կորուստներ կրելով յետ վանուեցին. նրանց ձեռքին մնաց միայն Սերնիից հիւսիս-արեւելք մի հողամաս: Անգլիական ճակատում ևս գերմանացիք յարձակուեցին ևս գործում, բայց նրանց չի յաջողում պատուել բրիտանական ճակատը: Պէտք է նկատել, որ թշնամին միւս ճակատներից խոշոր քանակութեամբ զօրքեր է փոխադրել Փրանս-անգլիական ճակատը, զանակիցների յաղթական յառաջխաղացութիւնն արգիլելու համար:

Իտալական ճակատ.— Վերջին շաբաթուայ ընթացքում կրփեններ աշխոյժ կերպարանք ստացան: Գորիցայից հիւսիս իտալացիք յարձակում գործեցին և առան 254 գերի:

Միացեալ-Մահմանները մեծ պատրաստութիւն են տեսնում պատերազմի համար. արդէն պատրաստուած է կամաւորների 139,000-նոց մի բանակ, որ պիտի փոխադրուի Փրանսիա:

Ժովային պատերազմ.— Մայիսի 7-ին Ֆրանսական 4 ականակիրներից բաղկացած մի հետախույզ խումբ Դիւնկերքի մօտ հանդիպեց գերմանական հակաականակիրների մի նաւարածին: Տեղի ունեցաւ երկարատև ծովամարտ. թշնամի նաւարածինն ամենամեծ արագութեամբ հեռացաւ, Ֆրանսական ականակիրներից մէկը աննշան մնացնել կրեց:

## Ներքին Տեսութիւն

### „ՀԱՅԿԱԶԵԱՆ ԸՆԿԵՐՈՒԹԵԱՆ“

ԱՌԹԻԻ

«Հայկազեան Ընկերութիւն» անունով մի նոր հաստատութիւն է աւերանում Թիֆլիսում մեր ազգային-կուլտուրական ընկերութեանց կողքին:

Ամեն մի նոր ընկերութեան կարեւորութիւնը և յաջողութիւնը կազմուած է նախընթաց համայնական ընկերութեանց նպատակների իրագործումից և ընկերութեան անդամների և կամ առհասարակ հասարակութեան նոյն նպատակին ծառայելու ձրգտումից:

Մեր հնագոյն ազգային-կուլտուրական ընկերութիւնը՝ «Բագուի Մարդասիրական Ընկերութիւնը» և նորագոյնը՝ «Կ. Բարեգործական Ընկերութիւնը» ցարդ աշխատել են ի քաղաքակրթականին բանալ զարոցներ և օգնել հայոց միջնակարգ դպրոցաւարաններին բարձրագոյն ուսումնս ստանալու: Վերջին գործում պակաս դեր չեն խաղացել և ներսխտան դպրանոցնու էջմիածնի Գէորգեան ձեմարանը մեր հարուստների կտակած գումարներով: Պակաս չէ թիւը և հայ մեկնասանների, որոնք օկսեալ հանգուցեալ

Սանասարեանից մինչև Մանթաշեան, Փամհարեան, Մելիք-Աղաբեան և այլն իրենց կենդանութեան ժամանակ նպաստեցին բարձրագոյն կրթութեան հայ պատանիներին, որոնք մեր դպրոցական, գրական և հասարակական կեանքում զործել և դեր են կատարում: Իսկ վերջերս հայ հարուստներն աւելի ձգտեցին ժողովրդական-տարրական դպրոցների թիւը բազմացնել, մանաւանդ Կ. Հ. Բ. Ը-թեան ձեռքով: Սղել են բարերարներ ևս, որոնք միջնակարգ և բարձրագոյն դպրոցներ են հաստատել, ինչպէս Սպարթախան, Սանասարեան և Լազարեանք: Իսկ ուսանալութիւնը իւր եկեղեցիներով հիմնել է մի քանի դպրանոցներ և էջմիածնի ձեմարանը:

Ընդհանուր առմամբ ուրեմն հայ ժողովուրդը իւր հարուստներով և եկեղեցով քաջալերել է ուսումը, գլխաւորապէս դպրոցներ բանալով. բայց չէ կարողացել տակաւին ոչ թէ ընդարձակել, այլ և ապահովել իւր զօնէ բոլոր դպրոցների գոյութիւնը, էլ չեմ խօսում ուսուցիչների ապահովութեան մասին, որի համար միայն խօսում է, եթէ ի նկատի չառնենք Կ. Հ. Բ. Ը-թեան տարեկան մօտ 2500 ո. նպաստն և մի քանի անհատական և մասնաւոր դէպքեր:

Գրականութեան համար էլ, որ գլխաւորապէս զարգացել և զարգանում է լրագրութեամբ, քացի ընդհանրապէս մասնական ջանքերից՝ մասնաւոր հրատարակչներ ու գրավաճառանոցներ, կան և հաստատութիւններ, որոնց մէջ նշանաւոր դեր է կատարել Թիֆլիսի Հրատարակչական Ընկերութիւնը լայն ծրագրով:

Հայ Գրողների դեռահաս ընկերութիւնը զեռ նոր-նոր է սկսում օղնութեան հասնել կարօտ հայ հեղինակներին, թէև տարեկան մի համեստ գումարով, որից սակայն աւելին սպասելն շատ դժուար է:

Չնայելով այս ջանքերին, Հայոց մէջ կարելի է ասել ոչ մի հեղինակ, թէկուզ անուն ունեցող և շատ կարդացուող հեղինակ, օր. Բաֆֆի, Լէօ, Ահարոնեան, Շիրվանզադէ, Յ. Թումանեան, Յ. Յովհաննիսեան և այլն, չեն կարողացել միմիայն իրենց զրչով ապրել առանց կողմնակի աւելի կամ նուազ աշխատանքի: Աւելորդ է երկար խօսել և մեր հրապարակախօսութեան մասին, քանի որ լրագրութիւնը ցարդ միայն բաց է ունեցել սակաւթիւ բաժանորդների պատճառով: Նոյն իսկ այսօր, երբ շնորհիւ հանգամանքների մեծ զարկ է ստացել լրագրութիւնը, «Հորիզոն» է, մեր իմանալով, և այն էլ միայն վերջերս, որ բաց չունի:

Աւելի լաւ չէ հայ գեղարուեստի դրութիւնը. հայ նկարչութիւնը, երաժշտութիւնը, հարտարապետութիւնը, որոնց գոյութիւնն անգամ շատ ժամանակ չէ որ հաստատուած է, այլև հայ թատրոնը զեռ մանկական քայլեր են անում, ուրեմն առանձին գուրգուրանքի առարկայ պիտի դառնան, որպէս զի կարողանան հաստատուն քայլեր անել և զարգանալ: Չնայելով որ միխթարական նշաններ են երևում, հիմնուեց Հայ Գեղարուեստագէտների Ընկերութիւնը, Հայոց Դրամատիկ Ընկ-ը ջանքեր է թափում Թիֆլիսում առանձին ազգային թատրոնական շէնք կառուցանելու ևս. սակայն և այնպէս հայ գեղարուեստը կարօտ է առանձին քաջալերութեան և խնամքի:

Դալով հայագիտութեան՝ պէտք է ասել, եթէ մի կողմ թողնենք Վենետիկի և Վիէնայի Միխթարեանց գիտական միաբանութեանց ահանաւոր, մանաւանդ հանգուցեալ անգամներին, զարգանում է գլխաւորապէս օտար հայագէտների ձեռքով, շնորհիւ այն հանգամանքի, որ եւրոպական բարձրագոյն դպրոցներում կան հայագիտական ամբիոններ:

Մինչդեռ մեր երկրում կարելի է մասերով համբել այդպիսիների թիւը, մանաւանդ այնպիսիներին, որոնք իրենց գիտական ուսումնասիրութիւնները գրում են հայերէն, ուրեմն հայագիտութեան հետ միաժամանակ զարգացնում են հայագիտական գրականութիւնը մայրենի լեզուով, որ առանձին կարեւորութիւն պիտի ունենայ մեզ համար:



Այս հայազէտները համար կարելի է համարձակ ասել, որ ոչինչ չէ արուած, եղած երկու մրցանակներն էլ, Յովսէփ Իգմիրեանինը և Պոլսում և Աւետիք Ղուկասեանինը—մի մի կաթիլ են կարիքի անհուն ծովում: Ուստի և հասկանալի է որ հայերէն գրող հայազէտներ կարող են լինել և ապրել գլխաւորապէս Վենետիկի, Վիէնայի և Էջմիածնի նիւթապէս ապահովուած հայ կրօնաւորներից և մասամբ միայն Գէորգեան ձեմարանի ուսուցիչներէր:

Այս այսպէս լինելով և մեր կրթական և քաղաքական վիճակն ի նկատի առնելով պէտք է դարձնալի չլինի, որ հայ ժողովրդի մէջ շատ ասակաւորութիւն են հայազիրտական գրուածքների ընթերցողների թիւը, ուստի և հասկանալի է թէ ինչու մեզանում այս կամ այն վաստակաւորի մասնագիտական-հայազիրտական գրուածքներն անտիպ են մնում, իսկ հեղինակները անյայտ կամ թաղանթած և յուսահատ:

Հայ ազգը կարելի է ասել բոլորովին բարձի թողի է արել և հայ գեղարուեստը և մանաւանդ հայազիրտութիւնը, որոնցով զբաղուող մշակների խոշորագոյն մասը դարձեալ ուսուցիչներ են: —Ո՛հ, հայ հասարակութիւնը երբեք յիշում է այս կամ այն հիւղի ներկայացուցչին և յորելեան կատարում օգնելու նրան, երբ գուցէ արդէն ուշ է: Ի հարկէ թերեւ ուշ չէ վաստակաւորի ծերութիւնն ապահովել: Բայց ոչ ապաքէն հասուն հասակի ապահովութիւնը պիտի նպաստէր աւելի արդիւնաւէտ և վաստակաւոր գործունէութեան ի նպաստ հայ գրականութեան, գեղարուեստին և հայազիրտութեան:

Եւ մեր հայ բարերարները և ազգային-կուլտուրական հաստատութիւններն աւելի ազգօգուտ գործ կատարած կը լինէին, երբ նպաստէին յուսատու գրականագէտների, հեղինակների, բանաստեղծների, գեղարուեստագէտների, գիտնականների եայլն: Այստեղ եղած օժանդակութիւնը գրաւական ունի, որ ապարդիւն չի կորչիլ օժանդակութիւնը, մինչդեռ ուսանողութեան օժանդակութեան գործում այս գրական հաւաստիքը չկայ, այլ \*) միայն յոյս: Այս բոլորից հետեւում է, կրկնում ենք, որ մեր գրականութիւնը, գեղարուեստը և մանաւանդ հայազիրտութիւնն աւելի կամ նուազ չափով կարօտ են քաջալերութեան և պաշտպանութեան: Մեր կեանքի այս պակասը յանձն է առնում լրացնել Հայկազեան Ընկերութիւնը:

Տեսնենք:

ԱՆԱՑ

\*) Մենք ի հարկէ ընտ գէտ չենք կարող լինել յուսատու, ազգատ պատանիներին օժանդակելու՝ բարձրագոյն կրթութիւն ստանալու, մանաւանդ որ այսպիսիներից է կազմուելու ազգային հայ քաղաքակրթութեան պաշտպանների քանակը: Այստեղ խնդրը գերազաւորեան մասին է:

## ՎՐԱՑ ԱԶԳԱՅԻՆ-ԴԵՄՈՆԱՐԱՍԿԿ ԿՈՒՍԱԿՑՈՒԹԵԱՆ

### ՔԱՂԱՔԱԿԱՆ ԵՒ ԱԶԳԱՅԻՆ ԾՐԱԳԻՐԸ

Վրաց ազգային-գեմոնրատիկ կուսակցութիւնը հրատարակել է մի ծրագիր, Վրաստանի ինքնավարութեան մասին, որից քաղում ենք միայն ազգային-քաղաքական պահանջները:

### ԱԶԳԱՅԻՆ ԽՆԴԻՐՆԵՐ

Ազգի նիւթական, հոգեկան և ֆիզիքական ամբապնդման համար անհրաժեշտ է քաղաքական ազատութիւն:

Ազգային ոյժերի զարգացումն ու ամբապնդումը՝ ազգի քաղաքական իրաւունքներին հասնելու ուղիղ ճանապարհն է:

### ՎՐԱՍՏԱՆԻ ԱԶԳ. ԻՐԱՄԱՆՔՆԵՐԸ

Վրաց ազգը շատ տարիների ընթացքում ապրել է ազատ պետական կեանքով: 1783 թ. զաշնագրով Վրաստանը Ռուսաստանի խնամակալութեան տակ մտաւ: Ըստ այդ զաշնագրի՝ Վրաստանը պէտք է պահպանէր իւր սեփական օրէնսդրութիւնն ու կառավարութիւնը, սեփական գանձարանը, դատարանը, եկեղեցին: 1801 թ. սեպտ. 15-ի հրովարտւողով Ռուսաստանը խախ-

տեց Վրաստանի հետ ունեցած զաշնագիրը և բոլորովին վերացրեց վրաց ազգի պետական իրաւունքները: Վրաստանի քաղաքական իրաւունքները պէտք է վերականգնուեն:

### ՔԱՂԱՔԱԿԱՆ ԽՆԴԻՐՆԵՐ

Պետական վարչութեան կարգը և քաղաքացիների իրաւանց փոխ-յարաբերութիւնները պէտք է համապատասխանեն ազգի պետական և կուլտուրական զարգացման, բնութեան և աւանդութիւններին:

ա. Վրաստանի քաղաքական ինքնավարութիւն (աւտօնօմիա):

1) Վրաստանի քաղաքական աւտօնօմիան պէտք է անյապաղ վերականգնել գեմոնրատիկ հասարակապետութեան սկզբունքների վրայ:

2) Ինքնավար սահմանադրութիւնը մշակում է Թիֆլիսում հաւաքուած վրաց ազգ. ժողովը:

3) Ազգ. հիմնադիր ժողովի ընտրութիւններին մասնակցում է իւրաքանչիւր կատարելահասակ քաղաքացի՝ առանց սեռի, դասակարգի և ազգութեան խտրութեան՝ ընդհանուր, հաւասար, ուղիղ և զաղտնի բուհարկութեամբ:

4) Վրաց ինքնավար օրէնսդրութեանն ու վարչութեանն են վերաբերում Վրաստանի սահմաններում ապրողների բոլոր պորձերն ու խնդիրները, բացի՝ ա) պատերազմի և խաղաղութեան, բ) արտաքին քաղաքականութեան և գ) Ռուսաստանի հետ ընդհանուր պետական բիւջէի հարցերը, որոնք վերաբերում են Ռուսաստանի հետ միարան օրէնսդրութեան իրաւասութեանը:

Ժամօթ.—Վրաց զօրքը (միլիցիա) խաղաղ ժամանակ զինուորական ծառայութիւնը կատարում է հենց աեղում՝ Վրաստանում:

5) Ինքնավար կառավարութիւնը տարածւում է ամբողջ Վրաստանի վրայ:

6) Վրաստանը կազմում են՝ Թիֆլիսի և Գուրայիսի նահանգները, Բաթումի շրջանը, Զաքաթալայի, Արգանի և Օլթիի վիճակները, Սօչիի շրջանի մի մասը (Սե ծովեան նահանգ) և մօտերս գրաւուած Թիւրքական Վրաստանը՝ Իսպիրը, Թորթումը և Լազիստանը:

Ժամօթ.—Այդ վայրերում ապրող օտարազգիների ազգային կուլտուրական իրաւունքը պաշտպանւում է ինքնավար Վրաստանի հիմնական օրէնքներով:

## ՔԱՂԱՔԱԿԱՆ

Սեւրար, 28 ապրիլ.— Ազատութեան պաղի քաղցրութիւնից շրջանիս գիւղերը շատ քիչ են ճաշակում. նրանց շատ քիչ մասն է հանուած այդ մեծ արքայութիւնից, գրախափից: Թանկութիւնը առաջուանից մի քիչ էլ աւելի է. ալիւրը, մինչ մօտ ժամանակներս պուղը 6 ա. էր, իսկ այսօր 7 աւււր. 30 կոպ. է ծախւում, այն էլ դառն և անտանելի: Ստանում են ալիւր Բարվանսարայի բանկի միջոցով, պուղը 4 1/2—5 ա., այն էլ շատ քիչ: Այն ալիւրը, որ սրանք ստանում են այդ գներով, Ուղունթալան, Սեքարի հանդէպ գիւղը, ստանում է 3 ա. 60 կոպ. իւր բանկի միջոցով: Այդ գիւղը Սեքարի կէս մասի մեծութիւնն ունի և գտնւում է գէտ առ դէմ:

Այս շրջանի գիւղերը (7 գիւղ) ապրում են Բարվանսարայի ողորմութեամբ: Նրանց թէ ալիւրը և թէ շաքարը անցնում է իրանց գոնով դէպի հարաւ 20 վերստ, ուր Բարվանսարան է և այնտեղ մի առ ժամանակ իւր հանգիստը առնելուց յետոյ նոր դառնում է շրջանիս գիւղերը: Ենորհակալութիւն Բարվանսարայի նոր երիտասարդութեան, որոնք իրենց գլուխ ունենալով պ. Խո



բէն երկրեանին, այդ շրջանը մի որոշ բարձրութեան վրայ դրին և տուին ժողովրդին ապրելու յարմարութիւններ:

Այս շրջանի տանտնտէրները միշտ եղել են դժբախտաբար կամ խաւարամիտ կամ մի մի նիկոլայ, որոնք պահել են ժողովրդին գրաստների տեղ: Երիտասարդութիւնը զգուած թողեց գիւղերը և հեռացաւ քաղաքները, Բազու, Բաթում, Թիֆլիս, թողնելով հայրենիքը: Սեքարում մի տարի է բանկ քանալու իրաւունք է տրուել Սարգիս Ասիրեանի աշխատութեամբ, բայց տակաւին զուլա չեկաւ:

Նոր կառավարութեան անդամներ ընտրուել են սուղիաները:  
Մ. ՏԻՐ. ԳԵՈՐԳԵԱՆ

## Տարեգիր Կ. Հ. Բ. Ընկ.

Կ. Հ. Բ. Ընկ.-ի բան Խորհուրդը ընդհանրապէս ստացել է.—

—Նիկոլայ Կուդաշից հանգ. Մ. Բողարջեանի զագաղի վրայ պտակ դնելու փոխարէն յօգուտ փախստական-որրերի 100 ռ.:

—Կ. Լիպաշիտ Մելիք-Սարգսեանից յօգուտ Միրանաւորի որբանոցի 25 ռ.:

—Կ. Կարապետ Շիրինեանից Աբէլ Յակոբեանի երեսայի մկրտութեան կնքհայրութեան առթիւ նուէր տալու փոխարէն, յօգուտ Շիրինեան գրադարանի 25 ռ.:

—Тифл. Лист.-ի խմբ. միջոցով, Գ. Դաւթեանից ի յիշատակ հանգ. Մ. Դաւթեանի յօգուտ փախստականների 100 ռ.:

—Кавк. Слово.-ի խմբ. միջոցով Յարութիւնեանից 5 ռ. և Նասիրեանից 10 ռ., ընդամենը 15 ռ. յօգուտ փախստականների:

### ՀԱՅԿ. ԿԵՆՏ. ԿՈՄԻՏԵ

1. Փախստականների գործով զբաղուող գլխաւոր լիազօր գնն. Վ. Մ. Թամաճեանը առաջարկել է ցուցակագրութեան ենթարկել ամբողջ գաղթականութիւնը: Այդ առթիւ առաջարկուած է ներկայացնել նախաձեռն այդ գործը կազմակերպելու համար:

2. Յարսկիէ-Կոլոզցում, Ախալցխայում մտադրութիւն կայ Կոմիտէիս որբանոցներն ընդարձակելու. այդ առթիւ կարգադրուած է վարձել նոր բնակարաններ:

3. Կոմիտէիս «Մի բաժակ թէյ»-ը ապրիլ ամսուայ ընթացքում մուտք ունեցել է 11615 ռ. 57 կ., ելք՝ 7350 ռ., զուտ ադրինք՝ 4264 ռ. 78 կ.:

4. Էրզրումի որբանոցը կարգադրուած է փոխադրել կամ Ախալցխա և կամ Յարսկիէ-Կոլոզցի:

## Ք Ր Ո Ն Ի Կ Ո Ն

Ստեփան Կանայեանը ամսից 14-ից հեռանալով «Համբաւաբեր»-ի խմբագրութիւնից, խնդրում է իւր անձնական նամակները չուղարկել այլեւ խմբագրութեան, այլ իւր բնակարանի հասցեով՝ Ольгинская ул. № 37.

—Ներսիսեան դպրոցի տեսուչ է ընտրուած Սեդրաք Աւետեանը:

—Կովկասեան շերմուկային (կուրորա) ստաշին համազուլարը բացուեց մայիսի 7-ին Քաղ. Դուռայի դահլիճում, իսկ Արտիստական այգում բացուած է ցուցահանդէսը: Համազուլարին մասնակցելու համար պատգամաւորներ են եկել Կովկասի Զի-

մուկներից ու քաղաքներից: Համազուլարի նիստերը կը վերջանան մայիսի 10-ին, իսկ ցուցահանդէսը մինչև մայիսի 14-ը պիտի շարունակուի: Դրաւոր զեկուցումների թիւը հասնում է մօտ 100-ի: Ի միջի այլոց զեկուցումներ կարդացին իշխանուհի Մ. Թումանեանը Աբասթումանի, իսկ պ. Ս. Յարութիւնեան և ՔԺ. Մելիք-Նուրբեանը Դիլիջանի մասին:

Գ. Ս. Յարութիւնեանի զեկուցումը պարունակում է իւր մէջ մի ընդարձակ ծրագիր՝ Դիլիջանը մի օրինակելի շերմուկայի դարձնելու համար: Այդ ծրագրով պահանջուած է մօտ 2,500,000 ռ. ծախս, որը ըստ զեկուցողի պէտք է պետ. գանձարանը յանձն առնի հոգալու:

Համազուլարը միաձայնութեամբ հաւանեց պ. Ս. Յարութիւնեանի 12 կէտից բաղկացած տեղեկագրին և ցանկութիւն յայտնեց, որ Դիլիջանը, որպէս հրաշալի բնութիւն ունեցող մի վայր, շուտով դառնայ մի օրինակելի շերմուկայ:

—Դաղթականութեան կովկասեան քաւմի պետ. կազմը վերակազմելու համար, կովկ. կոմիտարիատի առաջարկութեամբ՝ կազմուել է մի մասնաժողով պ. Ս. Յարութիւնեանի նախագահութեամբ: Մասնաժողովին յանձնարարուած էր մշակելու ծրագիր: Այդ առթիւ տեղի ունեցան մի քանի նիստեր: Վերջին նիստը կայացաւ մայիսի 9-ին Պետ. Դուռայի անդամներ Մ. Պապաշանեանի և Զաֆարովի մասնակցութեամբ: Երկար վիճարանութիւնից յետոյ մասնաժողովը միաձայն որոշեց, բոլոր ազգութիւնների գաղթ. մարմիններից, քաղաքների ու զեմստվային ներկայացուցիչներից՝ հինգական հոգի հայերից, վրացիներից ու թիւրքերից, հինգ հոգի էլ ռուսներից (այս վերջին հինգ հոգու մէջ են մտնում քաղաքների, զեմստվայի և լեհացիների միութեանց մէկական, իսկ ռուս հասարակութիւնից երկու ներկայացուցիչները) մի զեկաւարդ մարմին ընտրել: Այդ մարմին մէջ ներկայացուցիչներ կունենան նաև գաղթական հայեր, վրացիներ (աջարացի) և թիւրքեր:

Խորհուրդը բաղկացած կը լինի 23 անդամից. նա իւր միջից կընտրէ նախագահին, իւրօ կամ կոմիտարներ՝ խորհրդի որոշումները ի կատար ածելու: Ազգային հաստատութիւնները ներկայացնում են առանձին իրենց նախահաշիւները և այդ տեսակէտից իրենց ներքին գործերում վայելում են ինքնավար իրաւունքներ:

—Անդրկովկասին կից գործող շրջան. խորհրդակցութիւնը՝ ազգային ներկայացուցիչներից կազմուած, վերջացնելով մի շարք օրինադէր, ինչպէս է նահանգական, գաւառական, շրջանային և գիւղական գործադիր մարմինների պալոժնին, այժմ անցել է միջնակարգ և ստորին ուսումնարանները ազգայնացնելու խնդրին:

—Ներքին գործերի միխատութիւնը հեռագրով հաղորդել է Անդրկովկ. առանձին կոմիտէին, որ ժամանակաւոր կառավարութիւնը հաստատել է քաղաքային ինքնավարութեանց իրաւասութիւնների նոր ընտրութիւններ կայացնելու օրինադիրը: Ընտրութիւնները լինելու են բառանդամ եղանակով, առանց դաւանանքի և սեռի խտրութեան, սկսած 20 տարեկանից: Ընտրողների և ընտրողուհիների ցուցակներում մտնելու են բոլոր բնակիչները, որոնք ցուցակը կազմելիս կը գտնուեն տեղերում: Ընտրական բոլոր իրաւունքներից օգտուած են նաև զինուորական ծառայութեան մէջ գտնուածները: Ուստի միխատութիւնն առաջարկում է անյապաղ անցնել ընտրութիւնների ցուցակները կազմելուն: Այս հեռագիրը Անդրկովկ. առանձին կոմիտէն ուղարկել է շրջանի բոլոր գործադիր կոմիտէներին:

—Նպաստամատոյցի ընդհ. ժողովը.—Մայիս 5-ին, երեկ. ժամը 8-ին Քաղ. Դուռայի դահլիճում կայացաւ Նպաստամատոյց ընկ. ընդհանուր ժողովը նախագահութեամբ Յ. Սպէնդիարեանի:







Այս աշխատանքները կը լինեն, որոնցից պատերազմի յայտարարութեան հետք առաջին օրը կարող կը լինեն շարժուել իրենց թնդանօթածիղներով (արտիլերիայով) երկու հարիւր հազար զինուոր Գետրոգրադ գնալու:

Առհասարակ Գերմանիայի յաղթութիւնը այս պատերազմում կը նշանակի ամբողջ Եւրոպայի կուլտուրայի ստրկացում Գերմանիայի զինուորական տիրապետութեան տակ: Նրա յաղթութիւնը 1870 թուին տուեց մեզ քառասուն տարուան ստրկացում և ընդհանուր զարգացման ընդհատում: Այժմ Գերմանիայի յաղթութիւնը Անգլիայի, Ֆրանսիայի, Ռուսիայի և Բելգիայի դէմ մի կէս դար, եթէ ոչ անկի, պիտի կանգնեցնի նրանց զարգացումը, որի տակ կ'ընկնեն և ամբողջ արեւմտեան երկիրները ու սլավոնական աշխարհը:

Էլ չեմ խօսում այն վայրենի ձեերի մասին, որով արտայայտուած է խորխառցող գերմանականութիւնը: Միայն անխախտելի փաստերով ապացուցուած գազանութիւնները, որ կատարուած են գերմանացիք, նմանում են մինչև այսօր լուծած ամեն տեսակ գազանութիւնների չափը: և մի մոռանաք, որ Բելգիայի ձերունու, երեսայի և խազաղ ժողովրդի վրայ գազանութիւն կատարող գերմանացի զինուորը համոզուած է, որ ոչ թէ նա ինքն է մեղաւորը, այլ որ իբր պատժում է ապստամբներին, և ոչ թէ իրենց ապատութեան պաշտպանութեան համար զոհուող բելգիացիներին: Եւ սոսկալին այն է, որ ամբողջ լուծուոր Եւրոպայում զգուանք յարուցանող բռնութիւնները պաշտպանութիւն են գտնում գերմանական ծայրայեղ կուսակցութեան — սոցիալ-դեմոկրատիայի կողմից: Գերմանիայից դուրս բոլոր պրոլետարիատը լաւ է հասկանում թէ ինչ խայտառակ դրոշմ է դնում այս պատերազմը գերման ժողովրդի ճակատին և ցանկանում է Գերմանիայի պարտութիւնը: Զի կարելի չցանկանալ Գերմանիայի պարտութիւնը, որովհետև նա մացրել է մեր կեանքում զինուորականութեան լողունը, չի կարելի նոյնիսկ չէզոք մնալ, որովհետև դա կը նշանակի նպաստել երկաթէ բռնեցքին: Այս շատ լուս հասկանում են բոլորը և ձայնակցում, որ գաշնակիցները պիտի յաղթեն, որ այս պատերազմը կը լինի Եւրոպական վերջին պատերազմը: Բոլորն ասում են, թէ բոլոր ազգերի համար ազատ զարգացման իրաւունքը պիտի որդադործուի, ասում են, որ Եւրոպայի քարտէզի նոր բաժանման ժամանակ գաշնակցական սկըզբունքը պիտի լայն գործադրութիւն ունենայ: Պատերազմի այլանդակութիւնը և զինուած խաղաղութիւն անուանեալ սկըզբունքի անգործութիւնն այնքան ակնյայտնի են, որ հասել է ժամը ընդհանուր զինաթափութեան: Առաջաւոր ազգերի ներքին գաշնակցութիւնը կարեւոր է դառնում և ազգերի վրայ խոր նետահար կը թողնի, որովհետև ընդհանուր վտանգը երևան գալու օրից ազգերի ուժերի լարումը ծայրայեղ դարձաւ: Ազգերի համեմաշխութիւնը արդէն հիմք է դնում նոր, բոլոր խաւերի միացած կեանքի համար, այն խաւերի, որոնցից ստեղծուած են ազգերը:

Արեւմտեան Եւրոպայում ծագում են արդէն ահա այս գաղափարները, որոնք ճշմարիտ են և պիտի յաղթանակեն:

(Կը շարունակուի) Գ. ՆԱԿԻՐԱՐՍԱՆ

## ՏԱՃԿԱՀԱՅԵՐ

Մենք յաճախ մատնանշել ենք Բոստոնի «Christian Science Monitor» ամերիկեան թերթի հայկական դատի նկատմամբ շեմ համակրութիւնը:

Ամերիկան, չէզոք պետութեան իւր հանգամանքով, կարողացել էր ուղղակի տեղեկութիւններ ստանալ իւր հպատակներից, առանձնապէս միսիոնարներից, որոնցից շատերը զեռ ևս գտնուում են գաշնակիցների համար անմատչելի մնացած դաւաճան-

քում: Մենք յաւէտ երախտապարտ պիտի լինենք այն ամերիկեան քաղաքացիներին՝ ոչ միայն այն տեղեկութիւնների համար, որոնք կարող են ստացուել նրանցից, այլ և հայ փախստականներին նրանց կողմից հասցուած իրական օգնութեան համար:

«Բաղաբակրթութիւնը, գրում է այդ թերթը, ակներև է, որ իւր վերջին խօսքն ասեց Արևելքում, և քրիստոնէութեան 19-րդ դարու յարակցական արդիւնքներն արհամարհեցին թիւրքիայի անվրդով վճռականութեան առաջ՝ աշխարհի մէջ մտցնելու նախորդ դարերի մեթոդները:

«Հայկական կոտորածների մանրամասները յայտնի են աշխարհի բոլոր կառավարութիւններին, թէ չէզոքներին և թէ պատերազմողներին: Բայց նրանցից ոչ մէկը չէ յայտարարում այդ: Պատերազմողները կարող են պատմաւարանել, որ ինչ էլ ասեն, իրենց ձայնը կը մնայ «ձայն քարաւայր յանապատի»: Իսկ չէզոքները կարող են ասել հետեւալը. դիւանագիտութեան փափկանկատ մատնանշումները Բ. Դրան՝ բացարձակապէս անօգուտ և միայն ժամանակի կորուստ են: միայն վճռական գործելակերպը կարող է փրկել Հայաստանի մնացորդը: Անհրաժեշտ չէ անդրադառնալ սարսափներին, որոնք տեղի ունեցան Տրապիզոնում և Էրզրումում: Հայերի նամակներն ու նրանց խոստովանութիւնները, չնայած հալածիչների ձեռք առած բոլոր նախազգուշութիւններին, ամբողջ աշխարհին իմացրին իրողութիւնը, չէզոք միսիոնարների տեղեկագրերը լրացրին կրօնի և քաղաքական հալածանքի այդ վերջին մոլեռանդ թափը: Որ այդ հալածանքն ևս զու նոյնքան քաղաքական, ինչքան կրօնական հողի վրայ—կարող ենք կատարելապէս և առանց վարանման հաւատաւել, և պէտք է անելացնենք, որ քաղաքական ու անտեսական կիրքերը, որոնք ծնունդ տուին հալածանքներին, նոյնքան անարդարանալի են, որքան կրօնական կիրքերը:

«Իսլամի քաղաքականութիւնը միևնոյն արդիւնքն ունեցաւ Բալկաններում, ինչ որ հաւատաքննական ատեանները Սպանիայում: Ով որ կարողացաւ փախչել, ապատուեց. ովքեր չկարողացան, ընդունեցին Իսլամի կրօնը՝ իւր բոլոր աղէտալի հետեւանքներով:

«Օսմանեան կայսրութեան քրիստոնեաների միջև շփոխելի յոյները, Լիբանանի մարոնիտներն որոշ չափով ազատութիւն վայելեցին: Բայց հայերը, թէ Սև ծովի ափին, թէ երկրի ներսում ոչնչով չէին կարող պաշտպանուել: Թալանը, հարեմներում բանտարկութիւններն ու բռնաբարութիւնները, մարգարէի անուշով տղամարդկանց կոտորուելը անխուսափելի միջադէպեր էին, երբ թիւրքերը բռնկուեցին:

«Ազգայից յետոյ երբ երկինքը պարզուեց, մնացել էր միայն հայ ժողովրդի մի բեկորը, որին քիւրդ ձիււորներն ու արաբ զինուորները ջիւղին դէպի Միջագետքի անապատները: Ամբողջ աշխարհը գիտէ թէ ինչքան եկան այդ թշուառ աքսորականների զլխին, որոնք իրենց հայրենի օջախներից վանուելով կինդանիների հօտի նման՝ կոտորուեցին իրենց առաջնորդող պահակների ձեռքով, ամենավրդովեցուցիչ նախատինքներին ենթարկուեցին:

«Այդ անապատներն իսկ ոչ մի բույսի համար ապաստարան չհանդիսացան հայերի մնացորդներին: միայն Հալէպից հարաւ տեղահանուածները մի որոշ ապահով վիճակ ունեցան: Այժմ, լուրերի համաձայն, նրանք, ըստ երևոյթի, դարձեալ տեղահանուել են, ինչ որ նախորդ տեղահանութիւնների համանման արդիւնք կը տայ:

Գոլսի և թիւրք կառավարութեան նախամտածուած այս արարքների պատասխանատուութիւնն ապացուցելով՝ թերթը եզրափակում է ասելով, որ Բարձրագոյն Դուռն այնպիսի մի տեղ ուղարկեց կոտորածներից՝ վերապրողներին, որ այլ ևս նրանք չկարողանան միանալ իրենց ազգին: Բայց այդ ծրագիրը մասամբ չհասաւ իւր նպատակին, քանի որ ուսումական զորամասերի արագ առաջխաղացութեամբ պաշտպանուեց նահանջը հայ ժողովրդի մի մասը, որ կը վերապրի վերականգնելու համար նախկին գրութիւնը:



# Գ Ի Տ Ա Կ Ա Ն

## ԳԵՂԱՄԱՐՏԸ

Ոչ միայն մասնաւոր մարդիկ, այլև շատ պետութիւններ դեռ վաղուց զբաղուած են եղել պայթուցիկ նիւթեր պատրաստելու խնդրով, բայց միայն գերմանացիներն է, որ ուրիշ աստուծայական հնարների հետ միասին ուսումնասիրել է զազամարտի տեխնիկան, և ներկայ պատերազմի սկզբում թունաւոր գազերով կռիւր իւր կատարելագործութեամբ և պատճառած աղէտներով զրեթէ նորութիւն էր դաշնակիցների համար: Զարմանալի չէ ուրեմն թունաւոր գազերի թշնամուն պատճառած վարանմունքը՝ 42 սանտիմետրանոց թնդանօթների հետ միացած...

Բոյէրների դէմ մղած կռոււմ անգլիացիները գործ էին ածում այնպիսի զնդակներ, որոնք պայթելուց յետոյ թունաւոր գազեր էին արձակում: Նոյնը և ճապոնական զնդացի-շիմոզների մասին կարելի է ասել: Սակայն յիշած դէպքերում թունաւոր գազերն արդիւնք են պայթուցիկ նիւթերի այրուելուն, ոչ թէ առաջուանից նպատակ էր դրած թունաւոր գազեր արձակել թշնամու դէմ:

Բայց և այնպէս ակնյայտնի էր, որ թունաւոր գազերը կարելի է օգտագործել մարդկանց ֆուսելու համար այս կամ այն ձևով: Ի դուր չէ, որ այս խնդիրը դեռ 1899 թ. Հաագի համագումարի խօսակցութեան նիւթ դարձաւ և արգելուեց:

Գերմանիան, որի միտքը օռնաշուանից ծուռ էր, չընդունեց այս առաջարկը...

Յաջող զազամարտի համար անհրաժեշտ են որոշ յատկութեան գազեր. ա) գազերը այն աստիճանի թունաւոր պիտի լինին, որ անմիջապէս ազդեն թշնամու վրայ՝ խեղդելով նրան, կամ կռուի անընդունակ դարձնելով:

բ) Գազերը օդից աւելի ծանր պիտի լինին, որ կարողանան թափանցել խրամատների և այլ փոսերի մէջ, որտեղ պատասպարւում են զինուորները:

գ) Գազերը էժան պիտի լինին և մեծ քանակով, որպէս զի ազատ կիրառման արգելք չլինի:

դ) Թամու նպաստաւոր ուղղութիւնը և ոյժը:

ե) Օդի խոնավութեան և ջերմութեան աստիճանը:

զ) Գազեր արձակողի համար փախչելու յարմարութիւն և այլն:

Գազերով թշնամուն ֆուսելու համար հարկաւոր է մեղծ և միապաղաղ հողմ, ինչպէս սովորաբար լինում է գիշերը և լուսադէմին: Հենց այս ժամանակ էլ գերմանացի կիրառում են գազը: Հասկանալի է, որ նրանք զազամարտին չեն դիմի այն ժամանակ, երբ քամին դէպի իրենց կողմն է փչում:

Անձրեղ, շատ խոնաւ և ամպամած եղանակները նոյնպէս նպաստաւոր չեն զազամարտի համար, որովհետեւ գազերը կլանւում են խոնավութիւնից: Ստոնամանիցները նոյնպէս, բայց երեւոյթին, արգելք են հանդիսանում զազամարտի յաջողութեան:

Նկատուած է որ—10° (մինուս 10) աւելի ցուրտ եղանակին դադար չեն արձակում—այն գազերը, որոնք առայժմ մեզ յայտնի են—բլոր և ֆոսգէնն են:

Բլորը մօտ երկու անգամ աւելի ծանր է օդից, դեղին-կանաչ գոյնի, խրաշատուկ հոտով: Օդի ճնշումից ծանրանում է և հեղուկ դառնում:

Ֆոսգէնը անխանի և քլորի միացումն է, աւելի ծանր, զգուշի և խեղդող հոտով:

Գազամարտի համար գերմանացիները քլորը և ֆոսգէնը գործ են ածում ոչ թէ միայն նրանց թունաւոր յատկութիւնների պատճառով, այլ որ շատ էժան են և մեծ քանակով կայ Գերմանիայում: Գործարաններում կտորներ ներկելու համար գործ են ածում յիշած գազերը և այս պատճառով նրանց թունաւոր յատկութիւնը վաղուց յայտնի է գերմանացիներին:

Ռուսաստանում ֆոսգէն քլորովին չկայ, իսկ քլոր՝ սակաւ, և հոթեղէն սպիտակացնում են ոչ թէ քլորով, ինչպէս Գերմանիայում, այլ քլորակրով:

Գատերազմի համար գերմանացիք յիշուած գազերը գործ են ածում խտացրած գրութեամբ (հեղուկ) պահելով պողպատէ զնդակների մէջ, որոնք միանում են իրար հետ մի ընդհանուր խողովակով: Ռազմական նպատակով հարկաւոր քանակով գազեր արձակելու համար անհրաժեշտ է ամեն մի կիրովետը տարածութեան 500 պուզ զաչ և այն էլ ամենակարճ ժամանակամիջոցում, այլապէս գազերը շատ շուտ կը նստրանան և ցանկալի ազդեցութիւնը չեն գործի:

Գազերը աստիճանաբար տարածուելով՝ կատարում են իրենց նողկալի դերը...

Օդից աւելի ծանր լինելով, թափանցում են խրամատների և այլ փոսերի մէջ ու երկար մնում այնտեղ: Եղել են դէպքեր, երբ գազեր արձակելուց երեք օր յետոյ նոր զօրքեր են գրաւել խրամատները և թունաւորման վտանգին ենթարկուել:

Յաջող պայմաններում գազերը թափաւոր են արձակած տեղից 2—3 վերստ հեռու, իսկ նրանց ներկայութիւնը զգալի է նոյնիսկ 10—15 վերստ հեռաւորութեան վրայ: Բայց որքան աւելի են տարածուած գազերը, այնքան աւելի նրանք նստրանում և աւելի պակաս թունաւոր են դառնում:

Բժ. ԱՌ. ՏԵՐ-ՅՈՎ. ՀԱՆՆԻՍԵԱՆ

## ՆԱՄԱԿ ԽՄԲԱԳՐՈՒԹԵԱՆ

Ձեր շարաթաթերթի № 14-ում, էջ 335, Երևանի նահանգապետ Ստրելբեցկու կալանաւորման առթիւ իմ մասին ասուած է. «Գաղտնի է, որ Ստրելբեցկու տան կայքը առանց ցուցակի և Երևանի գործարար կոմիտէից զազանի յանձնեցին Ստրելբեցկու բարեկամ Խորհրդակցութեան նահանգական կոմիտար Թաչատրեանի, ընդունուել է առանձին մասնաժողովի կողմից ցուցակով, իսկ նահանգապետ Ստրելբեցկու սեփական իրերը առաջարկուեց անմիջապէս դուրս հանել պետական շէնքից, որովհետեւ այն սենեակը, որտեղ պահուած էին իրերը, հարկաւոր էր կոմիտարութեան անդամներին: Ամեն ինչ կատարուած էր շուրջ թէ զազանի, այլ ընդհանրապէս քլորովին աշկարայ. երբ իրերը, որոնք զրուում էին կոմիտարութեան գիւտնաւոր կից սենեակում և այդ տեղով էլ փոխադրուած էին ներկայութեամբ կոմիտէի շատ անդամների, և այս իրերի ցուցակը նոյնպէս կազմուել է:

Հեղինակը չպէտք է սխալ լուրեր գետեղէր մամուլի մէջ, մանաւանդ, ինչպէս ասում են, հեղինակը ինքը՝ Ե. Ս. անդամ է Երևանի նահանգական գործարար յանձնաժողովի:

Խորհրդական Երեմի Նահանգ. կառավար. ԽՐԻՋՈՒՆՈՎՈՒԼՈ

Խմբագիր՝ ՍԱՄՍՈՆ ՅԱՐՈՒԹԻՆԻԱՆ

Հրատ. Կ. Զ. Բ. ԸՆԿԵՐՈՒԹԻՒՆ

## ՅԱՅՏԱՐԱՐՈՒԹԻՒՆՆԵՐ

ՀԱՅԿ. ԿԵՆՏ. ԿՈՄԻՏԵԻ Կողմաւորութեան տակ գտնուող Ցարսկիէ-Կուլոգիի որբանոցների համար հարկաւոր են.

1) Կառավարչուհու օգնականներ,

2) Մայրապետներ,

3) Խոհարարներ:

Ցանկացողները պէտք է դիմեն կոմիտէի գրասենեակը՝ Абась. Абадская пл. № 7.

3—1

«ՈՍԿԻ -ԲԸՐԵԿԱՄ»-ի տպագրութիւն. 1414 էջ, 334 պատկերով. մի օրինակի գինը 10 ռ., ճանապարհածախքով 11 ռ., գումարով չի արւում: Գր. տ. ք. Մանդակունի